



## 泳渡日月潭

泅水毋但是全身的運動，而且會當強化心肺功能。彼年阮阿姑佇游泳池開福利社，就順繼共阮這陣猴囡仔摸去學泅水。規个熱天阮攏咧耍水，閣下大願欲去泅日月潭。為著培養體力，阮逐工攏愛泅一千公尺，連轉來臺中歇熱的表兄弟、表姊妹嘛攏陪阮浸佇水裡咧學泅。

日月潭平常時仔是無咧予人泅的，所以一年一改的「泳渡」攏吸引誠濟愛泅水的朋友來參加。活動彼工，朝霧碼頭沖沖滾，逐家攏游泳衫換好佇遐集合。有人那穿裝備那開講，講甲笑哈哈，有人咻咻叫咧熱身，嘛有人咧替朋友糊「防爆油」——聽講愛曝誠久呢。阮嘛抹甲規身軀、規面油朥朥。

喝一聲落水，一觸久仔，平波波的水面密甯甯攏全全人。上頭前是咧拚掠篙泅的，削削叫一直去，較後尾的就用水雞泅沓沓仔泅，嘛有人不時換姿勢咧沐沐泅。我佮表小妹泅做伙，雙跤慢慢仔踢，佇伊身軀邊沓沓仔蹠，順繼看風景。天地曠闊，日頭光佇水面閃爍，這大窟水閣涼涼啊，日月潭有影孖！

「喀——喀——」表小妹雄雄噉著水，我伸手去共掌懸，伊驚一下煞共我的領頸攏牢牢，這聲換阮兩個同齊沉落去。我想，閣予伊摸牢咧就害矣，隨換倚泅，雙手硬共伊的手揀開去，尾仔才用雙手共伊的手掌咧，感覺伊略仔必必掣。等待伊較袂喘矣，我問講：「敢欲閣泅？」伊共我頷頭，阮才閣寬寬仔對終點泅去。

你一定想講：「哪會攏袂驚？」因為落水進前阮阿姑就足斟酌交代講，現場攏有救生員佇船頂咧金金看。若無體力抑是無爽快，只要擲手，隨有人會共你摸起來。而且阮有學浮水、倚泅來自救，所以膽真在。

等我泅到位、距上岸，感覺跤手有硃硃，規身軀軟荏荏。阮規家伙仔稅飯店摔大眠，佇遐睏規下晡。閣較趣味的是，我轉去到學校上課，面猶有水鏡的痕跡。面肉烏烏、目箍白白，若親像貓熊咧。

泅日月潭，有夠好耍的啦！

作者：劉文桂

### ☆詞彙學習☆

【泅水】siû-tsuí：游泳。

【沖沖滾】tshiàng-tshiàng-kún：人氣沸騰、熱鬧非凡。

【笑哈哈】tshiò-hai-hai：哈哈笑。

【油朥朥】iû-leh-leh：油膩膩。形容含油量過多的樣子。

【一觸久仔】tsit-tak-kú-á：又唸作 tsit-táu-kú-á。一會兒、一下子。

【密甯甯】bát-tsiuh-tsiuh：緊緊的。形容非常緊密，沒有空隙。

【掠篙泅】liáh-ko-siû：捷式游泳。俗稱自由式游泳，是一種兩手交拍水面的游法。

【水雞泅】tsuí-ke-siû/tsuí-kue-siû：蛙泳、蛙式。

【沐沐泅】bók-bók-siû：在水中掙扎，載沉載浮的游。

【噉著】tsák-tiòh：被水嗆到。

【倚泅】khiā-siû：一種立著游泳的姿勢，也就是踩水前進。

【軟荏荏】nóng-siô-siô：有氣無力的樣子。